

ԳԻՏԱԿԱՆ ԼԿԱՏՈՒ

ԱՎԱԳԱԳՈՒՅՆ ԹՈՒՐԲԱԳԵՏԸ

Մայիսի 20-ին գիտությունների ակադեմիայի դահլիճում տեղի ունեցավ մեծարժան երեկո՝ նվիրված Հայկական ՍՍՌ ԳԱ արևելագիտության սեկտորի ավագ գիտաշխատող Արամ Խաչատուրի Սաֆրաստյանի ծննդյան 75 և գիտա-մանկավարժական գործունեության 50-ամյակին:

Սաֆրաստյանը ծնվել է 1888 թվականին Վանում, ուսուցչի ընտանիքում: Սովորել է քաղաքի հայաբնակ թաղամասի՝ Այգեստանի միջնակարգ կենտրոնական դպրոցում, որն ավարտելուց հետո նա մանկավարժական աշխատանք է տանում Վանի Հայնկույսերի դպրոցում, իսկ այնուհետև Ալթամարի վանքի, Բայազետի և Շաբին-Կարահիսարի դպրոցներում: 1911 թ. նա մեկնում է Ստամբուլ և ընդունվում Ստամբուլի բարձրագույն մանկավարժական ինստիտուտի հումանիտար գիտությունների ֆակուլտետը, որը շուտով միանում է Ստամբուլի համալսարանի հումանոս ֆակուլտետի հետ: 1915 թ. գերազանց դիպլոմով ավարտելով համալսարանը, Սաֆրաստյանը ստանում է Թուրքիայի միջնակարգ դպրոցների մասնագետ-ուսուցչի կոչում և աշխատանքի անցնում Բերա թաղամասի Ղալաթասարայի լիցեյում, որտեղ նա ավանդում է 1915—1917 թթ.: Մնալով Թուրքիայում այդ մղձավանջային տարիներին, երբ երիտթուրքական կառավարությունը, պատերազմի առիթի օգտագործելով, իրականացնում էր արևմտահայության իսպառ ընաչնջման անմարդկային, բարբարոսական ծրագիրը, Արամ Սաֆրաստյանը մոտիկից ապրում է հայ ժողովրդի մեծագույն ողբերգությունը, իր բարեկամների, մտերիմների ու հարազատների առկուր տառապանքները: Ընդհատելով հայ մտավորականության շարաննեզ մաքրագործումից, սակայն նա ևս ենթարկվում է սուսկալի հալածանքների՝ մշտապես զգալով աքսորի վտանգը: Սաֆրաստյանը ևս ընկնում է թուրք ոստիկանության ճանկը և հազիվ թե ազատվեր աքսորից, եթե նրան և իր հետ ավարտած 15 հայ ուսանողներին չհովանավորեր համալսարանի դասախոս Խալմայիլ Հաքքը բնյու Այս վերջինը, որը ինչպես հիշում է Արամ Սաֆրաստյանը, ազնիվ մարդ էր և լավ գիտնական, չէր թաքցնում իր համակրանքը հայ ժողովրդի և մասնավորապես հայ ուսանողների նկատմամբ, իսկ հայերի աքսորն ու ոչնչացումը համարում էր «բարբարոսություն և հրեշային արարք», որի համար,—ասում էր նա,—«ես ամաչում եմ իբրև թուրք»...

1919 թվականի սեպտեմբերին Սաֆրաստյանին հաջողվում է ազատվել Ստամբուլի կոշմարային մթնոլորտից և մի խումբ մտավորականների հետ անցնել Անդրկովկաս՝ սկզբում Փրևան, իսկ մի տարի հետո՝ Թիֆլիս, ուր նա մշտական բնակություն է հաստատում:

Վրաստանում սովետական կարգերի հաստատումից հետո Արամ Սաֆրաստյանի համար Թիֆլիսիում ստեղծվում են արդյունավետ աշխատանքի բարենպաստ պայմաններ, նա հնարավորություն է ստանում իր գիտելիքներն ու փորձը հաղորդելու Երիտասարդությանը, ինչպես նաև զբաղվելու ժողովրդագիտական և գիտական աշխատանքով: Երբ 1922—1923 թթ. սկսվեց արա-



բական տառերից հրաժարվելու շարժումը, Արամ Սաֆրաստյանը այդ գործի առաջին շարքերում էր։ Նա ակտիվ մասնակցություն է ունենում Թբիլիսիում նոր ադրբեջաներեն տառերով լույս տեսնող «Յենի յու» թերթին և «Դան յըլդըլի» ամսագրին, որպես վերջինիս պատասխանատու քարտուղար։

Շուտով նա ընտրվում է Վրաստանում նոր ադրբեջանական տառերի կոմիտեի անդամ-քարտուղար։ 1926 թվականին Սաֆրաստյանը մասնակցում է Բաքվում գումարված Համամիութենական թուրքագիտական կոնգրեսին՝ իրեն Վրաստանի պատգամավոր։

1924 թվականին Անդրկովկասյան կոմունիստական համալսարանի (ՅԿՄ) ռեկտոր Սարգիս Գասյանի հրավերով Արամ Սաֆրաստյանը աշխատանքի է անցնում հիշյալ համալսարանում, ուր մինչև 1935 թ. դասախոսում է հասարակական ձևերի զարգացման պատմությունը՝ ադրբեջանական սեկտորում։ Միաժամանակ, 1926—1935 թթ. նա դասախոսական աշխատանք է տարել Թբիլիսիի ադրբեջանական տեխնիկումում։ Այս ժամանակամիջոցում Սաֆրաստյանը աճեցրել, դաստիարակել է հարյուրավոր ադրբեջանցի երիտասարդների, որոնցից շատերը հետագայում դրսևորել են իրենց տարբեր բնագավառներում։ Բավական է հիշատակել, որ ադրբեջանական տեխնիկումում ավարտած Սաֆրաստյանի սաներից են Ադրբեջանի գիտությունների ակադեմիայի պրեզիդենտ Զահեդ իսախանովը, Բաքվի պետական համալսարանի դասախոս Հասան խեյրլին, Թբիլիսիի պետական մանկավարժական ինստիտուտի դասախոս Բանաստեղծ Զիյա էֆենդիևը և ուրիշներ։ 1937—1947 թթ. Սաֆրաստյանը դասախոսել է Թբիլիսիի պետական մանկավարժական ինստիտուտի հայկական և ադրբեջանական սեկտորներում, մի շարք հիմնարկներում կազմակերպել և գլխավորել է թուրքերեն ժամանակակից լեզվի ուսուցումը։

Մանկավարժական բեղուն գործունեության հետ մեկտեղ Սաֆրաստյանը գիտահետազոտական մեծ աշխատանք է տանում Թբիլիսիի մի շարք գիտական հիմնարկներում։ 1936—1937 թթ. նա աշխատում է Կովկասագիտության ինստիտուտի թուրքագիտության բաժնում՝ գիտական աշխատակցի պաշտոնում, ինչպես նաև հիշյալ ինստիտուտին կից ստեղծված արևելագիտական ասոցիացիայում, որը նպատակ էր դրել ուսումնասիրել ռեսպուբլիկական Թուրքիայի պատմությունը։ Այդ տարիներին էլ Սաֆրաստյանը սկսում է աշխատել իր թեկնածուական դիսերտացիայի վրա՝ «Թուրքիայի երկաթուղային տրանսպորտի շինարարության պատմությունը» թեմայով, որը նա հաջողությամբ պաշտպանեց Թբիլիսիի պետական համալսարանում 1948 թվականին։

Վրաստանում գտնվելու տարիներին Սաֆրաստյանի ձեռնարկած կարևոր հետազոտություններից մեկը նրա աշխատանքն է թուրքական աղբյուրների գիտական ուսումնասիրության ուղղությամբ։ Այդ բարդ, բայց և մեծապես շնորհակալ աշխատանքը ավելով, Սաֆրաստյանը գետն է հաղթահարել մի շարք դժվարություններ, չէ՞ որ այն իր նախադեպը չուներ. ոչ ոք մեր պատմագրության մեջ հատուկ չէր զբաղվել թուրքական միջնադարյան աղբյուրները կարդալու, վերծանելու, թարգմանելու և գիտական շրջնառության մեջ դնելու խիստ կարևոր խնդրով։ Այստեղ պետք է նշել նաև, որ Սաֆրաստյանը այդ գործը սկսում է միայնակ, իր սեփական նախաձեռնությամբ և միջոցներով։ Նա մեկնում է Մոսկվա, Ղևնինգրադ, որտեղ պրպտումներ անելով գտնում է 16—17-րդ դարերի թուրք պատմագիրների մի շարք արժեքավոր, բայց անուշադրության մատնված գործերը, որոնք հատկապես վերաբերում են հայ ժողովրդի պատմությանը, դեպի Անդրկովկաս Թուրքիայի ձեռնարկած նվաճողական արշավանքներին և այլն։

Դժբախտաբար, Սաֆրաստյանի այս կարևորագույն գիտական գործունեությունը անսպասելիորեն ընդհատվում է։ Շուրջ յոթ տարի թուրքագետ-գիտնականը զբաղվում է իր նախընտրած մեծարժեք զբաղմունքից՝ անարդարացի կերպով ընտանիքի հետ միասին քստրվելով Ալթայի երկրամաս. անհատի պաշտամունքի շրջանում տեղ գտած անօրինականություններից տուժում է նաև Սաֆրաստյանը։

1955 թ. Արամ Սաֆրաստյանին հաջողվում է վերականգնել իր իրավունքները։ Նա գալիս է Հայաստան, մշտական բնակություն հաստատում Նրեանում և հնարավորություն ստանում շարունակելու իր ընդհատված աշխատանքը։ 1958 թ. հոկտեմբերին Հայաստանի գիտությունների ակադեմիայի սիստեմում կազմակերպված արևելագիտության սեկտորի առաջին աշխատակիցներից մեկը Արամ Սաֆրաստյանն էր։ Շատ շուտով նա դառնում է այդ երիտասարդ կոլեկտիվի ամենասիրելի և հարգված անդամ, բարեկամը, խորհրդատուն։ Այստեղ էլ առա-

չին առգամ նրա համար ստեղծվում են նորմալ, միանգամայն բարենպաստ պայմաններ գիտական աշխատանքի համար: Արդեն հաջորդ տարում, 1959 թ. Սաֆրաստյանը տպագրության է հանձնում բազմամյա արգասավոր աշխատանքի անդրանիկ ծավալուն գործը՝ «Թուրքական աղբյուրները Հայաստանի, հայերի և Անդրկովկասի մյուս ժողովուրդների մասին» արժեքավոր աշխատության 1-ին հատորը, որը լույս տեսավ 1961 թ., գիտությունների ակադեմիայի հրատարակության միջոցով: Հիշյալ ժողովածուում զետեղված նյութերը, որոնք վերաբերում են 17—18-րդ դարերին, ցույց են տալիս օսմանյան կայսրության նվաճողական քաղաքականությունը կովկասում և մասնավորապես, պատմական Հայաստանում, ինչպես նաև անդրկովկասյան ժողովուրդների ազատագրական պայքարը թուրք զավթիչների դեմ նշված ժամանակաշրջանում: Թուրք պատմագիրների (գերազանցապես արբունական) գրքերից թարգմանված հատվածները, որոնք հավաքված են այդ ժողովածուում, արժեքավոր են ամենից առաջ նրանով, որ ակամայից մերկացնում են ժամանակակից թուրք պատմաբանների կողմից հետևողականորեն պրոպագանդիզայն կեղծիքը, թե իբր անցյալում օսմանյան կայսրությանը հպատակ ժողովուրդներն իրենց պետականության և կուլտուրայի զարգացման ներկա աստիճանին են հասել բացառապես սուլթանական կառավարության հովանավորության և բարյացակամ վերաբերմունքի շնորհիվ: Սուլթանական թեկուզ պաշտոնական պատմագիրների բերած նյութը անհերքելիորեն վկայում է այն մասին, որ օսմանյան կայսրության քրիստոնյա ժողովուրդների, առանձնապես հայ ժողովրդի նկատմամբ վարած կողոպուտի ու կեղեքման վայրագ քաղաքականությունը զգալիորեն կասեցրել է նրանց պատմական առաջընթացը:

Շարունակելով իր քրտնաջան աշխատանքը, Ա. Սաֆրաստյանը հրատարակության հանձնեց այդ արժեքավոր աշխատության 2-րդ հատորը և ներկայումս աշխատում է 3-րդ հատորի վրա, որը նույնպես շուտով կավարտվի:

Միաժամանակ նա Մ. Զուլյալանի հետ միասին պատրաստել ու հրատարակության է հանձնել մի արժեքավոր գործ ևս՝ «Օսմանյան կայսրության օրենսդրական ակտերը (կանոն-նամներ)», որն ընդգրկում է թուրք պատմաբան Օ. Լ. Բարկաեի ստվարածավալ աշխատության առաջին հատորից բաղված այն օրենքները, որոնք վերաբերում են օսմանյան կայսրության հայկական միլիայններին: Հիշյալ ժողովածուն հետաքրքիր և արժեքավոր նյութեր է պարունակում Թուրքիայի 16-րդ դարի պատմության, Արևմտյան Հայաստանի սոցիալ-տնտեսական կյանքի, հողային սիստեմի և այլ հարցերի վերաբերյալ: Սաֆրաստյանը տպագրության է հանձնել նաև «Թուրք ճանապարհորդ էվլիյա Զեյներին Հայաստանի և հայերի մասին» կարևոր աշխատությունը:

Սակայն թուրքական միջնադարյան աղբյուրների թարգմանության և հրատարակության հսկայական աշխատանքով չի սահմանափակվում Սաֆրաստյանի գիտական գործունեությունը: Նրան հավասարապես հետաքրքրում են ժամանակակից Թուրքիայի պատմության հարցերը և, մասնավորապես, ժամանակակից թուրք պատմագրությունը, որը կոպիտ կերպով խեղաթյուրում ու նենգափոխում է օսմանյան կայսրության դաժան լծի տակ դարեր շարունակ տառապած մեծ ու փոքր ժողովուրդները պատմությունը: Այս ուղղությամբ Սաֆրաստյանի կատարած աշխատանքներից է Ս. Ղ. Սարգսյանի հետ միասին ձեռնարկած ժամանակակից թուրք պատմաբանների «գիտական» աշխատությունների քննությունը՝ հայ ժողովրդի պատմության լուսաբանման տեսանկյունից: Այդ հարցին է նվիրված արևելագիտության սեկտորի «Արևելագիտական առաջին ժողովածուում» տպագրված «Պատմության հակագիտական լուսաբանման մի քանի փաստերի մասին» արժեքավոր հոդվածը, որով ըստ էության, սկիզբ դրվեց մի շատ կարևոր աշխատանքի՝ ժամանակակից թուրք պատմագրության հատուկ ուսումնասիրությանը, նրա պանթուրքական, հակագիտական կոնցեպցիաների ու մոլի շովինիստական գաղափարախոսության քննական վերլուծությանն ու մերկացմանը:

Իր գիտական բեղմնավոր աշխատանքին ղուգահեռ, Ա. Սաֆրաստյանը արևելագիտության սեկտորի կազմավորման հենց սկզբից հոգում է իր բազմահարուստ փորձն ու գիտելիքները ճիշտասարդ գիտաաշխատողներին փոխանցելու մասին: Գերազանց տիրապետելով ինչպես ժամանակակից, այնպես էլ միջնադարյան թուրքերենին, նա եռանդուն աշխատանք է տանում, ղեկավարելով թուրքերեն լեզվի ուսումնասիրությունը սեկտորում: Սաֆրաստյանի՝ հմուտ և հոգատար մանկավարժի ջանքերի շնորհիվ է, որ արևելագիտության սեկտորի մի շարք գիտաշխատողներ այսօր ինքնուրույն կերպով օգտվում են թուրքական աղբյուրներից, մամուլից ու

գրականությունից և շարունակում են ամրապնդել ու խորացնել թուրքերեն լեզվի իրենց գիտելիքները:

Չնայած իր պատկառելի տարիքին, ծերունազարդ գիտնականը աշխատում է երիտասարդական եռանդով ու նախանձելի ոգևորությամբ:

Հայաստանի արևելագետները ջերմորեն ողջունում են Արամ հաշատուրի Սաֆրաստյանին, թանկանում նրան երկար տարիների կյանք և իր գիտական քոլոր մասնագետի մենքի իրականացում:

Ա. ՍԱՀԱԿՅԱՆ